

Na osnovu člana 16. stav 2. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona”, broj 07/10) i Odluke o privremenom finansiranju Zeničko-dobojskog kantona za period januar – mart 2012. godine („Službene novine Zeničko-dobojskog kantona”, broj 17/11), na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na nastavku 53. sjednice, održanom 17.02.2012. godine, d o n o s i

ODLUKU

o odobravanju sredstava Ustanovi „Dnevni centar za djecu sa posebnim potrebama Maglaj“

Član 1. (Predmet)

(1) Odobravaju se sredstva Ustanovi „Dnevni centar za djecu sa posebnim potrebama Maglaj“ u mjesečnom iznosu 11.817,00 KM (slovima: jedanaest hiljada osam stotina sedamnaest konvertibilnih maraka) po osnovu pružanja usluga djeci sa posebnim potrebama sa područja općina Maglaj, Zavidovići i Žepče, koja se ne mogu uključiti u redovan školski proces.

(2) Sredstva iz stava (1) ovog člana predstavljaju učešće Zeničko-dobojskog kantona u sufinansiranju usluga ove Ustanove, dok se ne ugovori pojedinačna cijena usluga.

Član 2. (Analitička konta)

(1) Sredstva iz člana 1. ove odluke isplaćivat će se mjesečno iz sredstava utvrđenih Odlukom o privremenom finansiranju Zeničko-dobojskog kantona za period januar – mart 2012. godine („Službene novine Zeničko-dobojskog kantona“ broj 17/11), , razdjel 20, organizacija 01, potrošačka jedinica 0001, ekonomski kod 614200, KAD 207, pozicija «Ostali socijalni transferi».

(2) Sredstva iz člana 1. ove odluke će biti uplaćena na račun Ustanove broj: 1610550026360073 otvoren kod Raiffeisen banke Zenica.

Član 3. (Provođenje odluke)

(1) Za realizaciju ove odluke zadužuje se Ministarstvo za rad, socijalnu politiku i izbjeglice i Ministarstvo finansija, svako u domenu svojih nadležnosti.

(2) Ministar Ministarstva za rad, socijalnu politiku i izbjeglice se ovlašćuje da potpiše ugovor sa Ustanovom „Dnevni centar za djecu sa posebnim potrebama Maglaj“ o uvjetima za pružanje usluga djeci sa posebnim potrebama.

Član 4. (Izvršavanje)

Zadužuje se Ustanova „Dnevni centar za djecu sa posebnim potrebama Maglaj“ da će Ministarstvu za rad, socijalnu politiku i izbjeglice podnijeti ukupan izvještaj o utrošku doznačenih sredstava i da provede aktivnosti sa ciljem ugovaranja pojedinačnih cijena usluga u roku od 3 mjeseca od dana donošenja ove odluke.

Član 5.
(Stupanje na snagu)

Odluka stupa na snagu danom donošenja, i biti će objavljena u „Službenim novinama Zeničko-dobojskog kantona“.

Broj: 02-_____/12.

Datum, 17.02.2012. godine

Z e n i c a

PREMIJER

mr.sci. Fikret Plevljak, dipl.ing.

DOSTAVLJENO:

1x Ministarstvo za rad, socijalnu politiku i izbjeglice,

1x Ministarstvo finansija,

1x Ustanova “Dnevni centar za djecu sa posebnim potrebama Maglaj”,

1x “Službene novine Zeničko-dobojskog kantona”,

1x a/a.